

**DELÌBERA DE SA GIUNTA COMUNALI**

N. 160 de su 10 de mesi de ladàmini de su 2007

**CHISTIONI: Arreconnoscimentu ofitziali de sa chistionada sinniesa**

S'annu Duamilaeseti sa di' Dexi de su mesi de ladàmini, in sa sala de su Comunu chi eus nau, stabilèssia cun d-un'avisu fatu a posta, ant pinnigau sa Giunta Comunali custas personas afatantis:

Vissinnioria Sandro Serreli a Sìndigu, chi ghat cun s'agiudu de sa Segretària Generali Maria Assunta Angotzi sa dotora.

**ASSESSORIS**

– PUSCEDDU M. BARBARA	presenti
– COCCO ANTONELLO	presenti
– MELIS FAUSTINO	presenti
– CARTA MARIO	presenti
– SCHIRRU VALTER	presenti
– MURGIA JOSTO	presenti
– ATZORI LUCIA	presenti

Su Presidenti, giai chi ddoi est su tanti de presentis chi bolit sa lei, de cràrat sa sètzida oberta e nàrat custa proposta de delibera:

**SA GIUNTA COMUNALI**

**POSTU INNANTIS CHI:**

- sa lei n. 482 de su 15 de mesi de idas de su 1999 “Norme in materia di tutela delle minoranze linguistiche storiche” promovit a abalòrat is lìnguas e is curturas diferentis in su Stadu Italianu, fendi balli s'art. 6 de sa Costitutzioni e a cuncòrdiu cun is printzìpius e is baloris stabilèssius in is istituzionis europeas e internazionalis, impinnendi su Stadu e totu is òrgunus a assigurai sa defenza de is lìnguas e de is curturas de is pòpulus apretziaus cumentì minorias linguìstigas;
- su sardu at pigau s'arreconnoscimentu de lìngua de minoria de su Stadu Italianu cun sa lei chi eus nau a s'art. 2 “la Repubblica tutela la lingua e la cultura delle popolazioni albanesi, catalane, germaniche, greche, slovene e croate e di quelle parlanti il francese, il franco-provenzale, il friulano, il ladino, l'occitano e il sardo”;

ARREGORDADAS is leis po is minorias linguìstigas e, po su prus, s'art. 6 de sa Constituzioni, sa Carta europea po is lìnguas arregionalis e de minoria de su 1992, sa lei de su 15 de mesi de idas de su 1999, n. 482 (Norme in materia di tutela delle minoranze linguistiche storiche), sa lei arregionali de su 15 de mesi de ladàmini de su 1997, n. 26 (Promozione e valorizzazione della cultura e della lingua della Sardegna);

PENTZAU chi is lìnguas e is curturas de is pòpulus arreconnotus cumentis minorias linguìstigas stòrigas funt un'aina chi no fait a ndi fai de mancu po cuncambiai e si arricai a pari e funt sa prus sienda manna de dònna comunidadi, chi bolit allogada e difèndia;

PENTZAU in prus chi sa comunidadi de Sìnnia tenit totu su naturali linguìstigu, stòrigu e curturali chi bolint is cumandus de sa lei 482 de su 15/12/99 e ca de diora s'Aministratzioni Comunali at bòfiu a lompis a su tanti prus mannu chi fait de bilinguismu italianu-sardu in s'aministratzioni e in su logu de su Comune de Sìnnia;

BIU chi in sa comunidadi de Sìnnia s'agàtant assòtzius curturalis chi abalòrant, promovint e faint connosci sa lìngua e sa cultura sarda e, prus chi atru, tòrrant a scuberri su connotu, is festas, is d'icius, is allomìngius, is giogus e is pregadorias antigas chi ancoras arregordaus e chi funt una sienda linguìstiga de importu e de interessu mannu;

BIU chi meda at fatu sa domanda de s'Universidadi de s'Edadi de Tres, setzioni de Sìnnia, acrarada a s'Ofitziu Manda-Arrici a su n. 6884 de su 28/05/07, innui is professoris e is scientis de lìngua sarda, chi de diora ant cumentzau una circa de su nascentu de sa chistionada sinniesa, domàndant a s'Aministratzioni Comunali de dda ofitzialisai;

GIAI chi s'Aministratzioni Comunali:

- bolit pigai sa chistionada sinniesa a aina po afortiai s'identidadi comuna de sa bidda, arrespetendi s'arrichesa de is bariedadis inguìstigas chistionadas e scritas in Sardìnnia;
- considèrat sa cultura de sa comunidadi de su logu e sa sienda linguìstiga sua cumentis elementus de importu mannu po su caminu tzivili, sotziali e econòmigu de totu sa comunidadi;

ARREGORDAU chi sa Carta Comunali, chi eus cambiau de pagu cun sa delibera de su C.C. n. 2 de su 27 de friaxu de su 2007, a s'art. 6, comas de 1 a 5, nàrat:

- *La lingua Sarda, così come è usata nel territorio del Comune, secondo la tradizione scritta e orale, è patrimonio della comunità. Ad essa deve*

*essere garantita la dignità che le compete. Le attività di tutela del Sardo sono ispirate, oltre che all'articolo 6 della Costituzione, alla legge Statale 482/99 e alla L.R. n. 26/97.*

- *Nel Consiglio Comunale possono essere usate liberamente la lingua Sarda e la lingua Italiana.*
- *Le modalità dell'uso della lingua Sarda in Consiglio Comunale verranno fissate con apposito regolamento, fermo restando che la lingua italiana costituisce l'unico riferimento per la redazione del processo verbale e per la formulazione degli atti ufficiali del Consiglio.*
- *Nel territorio del Comune la toponomastica in lingua sarda è equiparata a quella in lingua italiana.*
- *Ai fini della concreta attuazione del presente articolo nonché di una più completa divulgazione l'Amministrazione Comunale provvede alla traduzione in Sardo del presente Statuto.*

BIU su parri a favori de s'Arresponsàbili de sa Parti Econòmiga-Sotziali po su chi spètat s'arregularidadi tènniga;

PENTZAU de ddu depi fai;

VOTENDI A TOTÒMINI, de manera oberta;

### **DELÌBERAT**

– po su chi eus nau in sa premissa, de ofitzialisai sa chistionada sinniesa, arreconoscendi su naturali suu de sienda de allogai po is genias de oi e de su benidori.

PO CUSSU la G.C., po s'apretu, votendi a totòmini, de manera oberta;

### **DELÌBERAT**

– de fai balli cust'àutu luegus, in arrespetu a s'art. 134 del D.LGS. 267/2000.

---

Custu verbali, ligendiddu e aprovendiddu, ddu firmaus cumententi sighit:

SU PRESIDENTI Serreli

SU SEGRETÀRIU GENERALI Angotzi

Apicau a s'Arbu Pretòriu de su 12.10.2007 e po 15 diis de sighia,  
mandendiddu puru a is Cabus de Truma Consiliari.

SU SEGRETÀRIU GENERALI Angotzi

Còpia oguali a sa de nascimentu po dda imperai in s'aministratzioni.

Sìnnia, su 10 de mesi de ladàmini de su 2007

Su Funzionàriu Incarrigau  
Cardia